



Broj/Broj: 03/1-50-1-9-23-4/08  
Sarajevo/Capajevo: 24.6. 2008. godine

### **Članovima Zajedničke komisije za odbranu i sigurnost BiH**

PREDMET: Informacija o posjeti članova Zajedničke komisije za odbranu i sigurnost BiH  
Švicarskoj Konfederaciji  
Veza akt broj :03/1-05-157/08

U periodu Članovi Zajedničke komisije za odbranu i sigurnost BiH (u dalnjem tekstu: ZK) posjetili su, od 19.5. do 23. 5. 2008., Švicarsku Kofederaciju.

Tom prilikom posjetili su Federalno ministarstvo odbrane, civilne zaštite i sporta, Komisiju za sigurnost Federalnog vijeća, Nevladinu organizaciju „Swisspeace“, Centar za kontrolu oružanih snaga DCAF i Centar za sigurnosnu politiku GCSP.

U delegaciji su bili: Branko Zrno, predsjedavajući, Šefik Džaferović i Slobodan Šaraba, zamjenici predsjedavajućeg, Jozo Križanović, Hazim Rančić i Drago Kalabić, članovi ZK, Dragica Hinić, sekretar, i Željko Grubešić, stručni savjetnik.

S delegacijom je putovala i Jasna Dragičević iz Misije OSCE-a u BiH.

#### **20.5. 2008.godine**

Članovi Zajedničke komisije posjetili su Federalni centar za obuku Civilne zaštite u Schwanzenburgu. Direktor Centra Urs Hosli pozdravio je članove ZK i potom prezentirao rad Centra i Civilne zaštite Švicarske Konfederacije.

Phillipp Krahenmann, zamjenik šefa za strategiju i komunikacije, koncepciju i koordinaciju, prezentirao je Sistem civilne zaštite u Švicarskoj i njegove pravne osnove.

Pascal Fer, glavni instruktor za vodeće strukture, imao je prezentaciju o temi: „Obuka u civilnoj zaštiti i civilnoj odbrani.“

Nakon prezentacija vodena je diskusija o sadržaju prezentacija kao i o radu Civilne zaštite po kantonima i na nivou Švicarske Konfederacije.

Nakon razgovora, članovi ZK obišli su Centar za komunikacije CZ Švicarske Konfederacije i Centar za simulacije. Članovima ZK prezentiran je i dio opreme koja se nalazi na korištenju u jedinicama CZ.

#### **21. 5. 2008.godine**

Članovi ZK posjetili su Komisiju za sigurnost Federalnog vijeća.

Markus Wohlhauser, predsjedavajući Komisije, upoznao je našu delegaciju s radom ove komisije kao i aktualnim problemima koji prate taj rad.

Palvi Pulli prezentirala je specijalne projekte Komisije Federalnog vijeća, a Matthias Laube aktuelne operacije i koordinaciju rada Komisije.

Tokom posjete Nevladinoj organizaciji „Swisspeace“ razgovaralo se o načinima angažiranja Švicarske u „upravljanju prošlim događajima“, o Švicarskoj kao „modelu za raspodjelu snaga“.

Heinz Krummenacher , direktor „Swisspeace“, Jonathan Sisson , program-oficir, i Mathias Siegfried, koordinator projekta, prezentirali su stanje u Švicarskoj, kao i regionu Jugoistočne Evrope, s obzirom da su u proteklim godinama imali brojne aktivnosti u Bosni i Hercegovini, Srbiji, Makedoniji i Kosovu. Nakon prezentacija vodena je rasprava o sadržaju prezentacija.

Članovi ZK posjetili su tokom dana i Ambasadu BiH u Švicarskoj Konfederaciji, gdje ih je primila Nj.E. ambasadorica Jasmina Pašalić.

Prilikom razgovora s organizatorima posjete, bilo je riječi i o donaciji za potrebe ZK, koja će biti realizirana nakon što ZK dobije adekvatan radni prostor.

## **22. 5. 2008.godine**

Članovi ZK posjetili su Centar za kontrolu oružanih snaga u Ženevi DCAF i Centar za sigurosnu politiku GCSP, koji su locirani u Ženevi.

U Centru za kontrolu oružanih snaga DCAF članove ZK primili su Darko Stančić, šef Operacija, ambasador Gregor Zore ,viši diplomatski savjetnik DCAF, i Anton Travner, šef DCAF-a u Ljubljani.

Tokom razgovora u DCAF-u Anton Travner osvrnuo se na primjedbe koje je DCAF uputio direktoru Granične policije BiH Vinku Dumančiću, a koje se odnose na Prijedlog zakona o graničnoj kontroli. Nakon izlaganja Antona Travnera razgovaralo se o iznesenim sugestijama i prijedlozima. Članovima ZK uručena je i potpuna pismena verzija primjedbi na Prijedlog zakona.

Ambasador Gregor Zore u svojoj prezentaciji istakao je aktivnosti na realizaciji potpisane Konvencije o policijskoj saradnji u Jugoistočnoj Evropi.

Naakon prezentacije tokom koje su definirane vrlo jasne obaveze zemalja potpisnica, članovi ZK dali su svoje prijedloge i komentare, uz osvrt na neke od definiranih sadržaja Konvencije.

U Centru za sigurnosnu politiku GCSP u Ženevi članove ZK primili su direktor Centra ambasador Fred Tanner i njegov zamjenik Andre Zumstein.

Tom prilikom istakli su dosadašnju saradnju GCSP sa institucijama BiH. Osrvnuli su se na godišnji Program saradnje s Ministarstvom sigurnosti BiH i seminar koji GCSP organizira u PSOTC Butmir. Seminar se organizira svake godine uz prisustvo 40 predstavnika institucija BiH.

Razgovarano je i o mogućnosti unapređenja saradnje GCSP i ZK, te institucija BiH uopće.

Za vrijeme posjete i susreta sa švicarskim zvaničnicima delegaciju je pratila ambasadorica Jasmina Pašalić.

Predsjedavajući  
Zajedničke komisije  
**Branko Zrno**

